



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1842**

XXVIII. Des Königs Albrecht von Schweden und Johann, Herzoge zu Mecklenburg, Pfand-Verschreibung an Johann, Luder und Wippert, Gebrüder die Lüzowen, Hans von dem Krüge und Claus von Quitzow auf 6000 ...

---

---

**Nutzungsbedingungen**

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

bentzigsten Jare, an der heiligen dreyualdikeit tage, vnfers des vorgeannten Kunig Wentzlas Kunigreichs in dem Eylfften Jare.

Nach der „heurfundeten Ausführung“.

**XXVIII.** Des Königs Albrecht von Schweden und Johann, Herzoge zu Mecklenburg, Pfand-Verschreibung an Johann, Luder und Wippert, Gebrüder die Lüzowen, Hans von dem Krüge und Claus von Quitow auf 6000 Mk. Lüb. über das Schloß Stauenow cum pert., vom Jahre 1405.

Wy albrecht, van godes gnaden der Sweden vnnnd der gotten Konig, vnnnd wy Johan van der fulnen gnaden Hertogen to Mekelenborch, greiten to Zwerin, to Stargarde vnnnd Rostock Hern, bekennen vnnnd betugen apenbar an dessem breue, dat wy vnnnd vnse eruen, myt wolbedachtem mode vnnnd na rade vnnnd vulbord vnser leuen truwen radgeuer hebben gefetten vnnnd laten, laten vnnnd fetten myt krafft disses breues vnser leuen getruwen Hern Johanne Riddern, ludere vnnnd wyperte, brodern heten lutzow, Hanse vann kroge vnnnd Clawes vann quitzow, swarte tydeckens fone, knapen, vnnnd erer aller eruen, vnse erue Slot Stauenowe myt aller nut vnnnd gulde, myt allen dorpen bezettet vnnnd unbesettet vnnnd myt aller tolager, gebede vnnnd tobehoringe, alz dat Slot vnnnd de dorpe in allen ehren secheden begrepen sint, toliggen vnnnd van oldinges tolegen hebben nichts vthgenomenn, vor fos dusent lubesche marck penninge, de se vns rede betalet hebben, vnnnd an vnse vnnnd vnser eruen nut gekamen synt, to enemm brukeliken pande so lange to besittende vnnnd to hebbende, dat wy offte vnse eruen en edder eren eruen de fos dusent lubesche marck penninge an guden suluer penningen, alz to lubeck vnnnd to der wismer genge vnnnd geue sint, an enem summen, bynnen der wismer, Zwerin offte Grabow an desser stede en, dar id en offte eren eruen euent kumpt, betalet vnnnd beret hebben. Vortmer wat desse vorbenomede offte ere eruen an vnseren vorsecreuen Slotte na vnser rade vorbuwen, dat sehole wy vnnnd vnse eruen vnnnd willen en vnnnd eren eruen myt dem houetfumen vorbenomet wedderleggen vnnnd bereden, vnnnd wan de beredinge so sechen is, so scholen se vnnnd ere eruen vns vnnnd vnser eruen dat vorbenomte vnse Slot Stauenow myt aller vorsecreuen tolage vnnnd tobehoringe sunder vortoch, sunder vpflach vnnnd rekenfcoep, bruckeliken wedder antwerden. Vortmer seole wy vnnnd vnse eruen vnnnd willen en vnnnd eren eruen to gude de penninge vnnnd beredinge vorsecreuen dar veligen vnnnd leyden vnnnd vort veer weken na der beredinge vor alle de ghene, de dorch vnser willen don vnnnd laten willen. Vortmer so scholen se alle vnnnd ere eruen vnser vnnnd vnser eruen frede van dem Slotte vorbenomet holden alle de wyle id ere pand is, Ock schal dyt sulue vnse Slot Stauenow vns vnnnd vnser eruen open stan to allen vnser nuden vnnnd noden, wo dicke vnnnd wanne wy offte vnse eruen dat eschen vnnnd vns behoff is, alle de wyle id ere pand is. Vortmer so konnen offte mogen se vnnnd ere eruen dyt vorbenomte Slot vnnnd pand myt der vorsecreuen tobehoringe iegen vns vnnnd vnse eruen nynerleie wys vorwercken offte vorbreken an ienygen tokomenden tyden. Alle desse vorsecreuen stücke vnnnd artikle vnnnd enen iewelcken besundern, loue wy vorbenomte konig albrecht vnnnd hertoge Johan vor vns vnser eruen den vorbenomten hern Johanne, ludere vnnnd wyperte broderen heten lutzow, hanse van dem kroge vnnnd Clawes quitzow vnnnd erer aller eruen an guden truwe, stede vnnnd vast to holdende sunder hulpe rede, vnnnd alle list, vnnnd des to hoger bewaringe vnnnd merer bekantnisse hebbe wy vorbenomte konig albrecht vnnnd hertoge Johan vnse jngesegele witlcken hengen laten an dessem breff, de

geuen vnn̄d ſchreuen is na godes boit verteyn hundert jar, an dem vyfften jare dar na, an ſunte Fabians vnn̄d Sebaſtians dage der hilgen merteler.

Anſchultata et collationata eſt preſens Copia cum ſuo originali et concordat de verbo ad verbum Sifridus hunth Notarius.

Nach der „beurkundeten Ausführung“.

**XXIX.** Vorbenannter Pfandnehmer Nevers, wegen des ihnen verpfändeten Schloſſes Stauenow, vom Jahre 1405.

Wy Johan Ridder, luder vnn̄d wypert, brodere, heten lutzow, Hans van dem kroge vnn̄d Clawus van qwitzow, knapen, bekennen vnn̄d betugē openbar an deſſem breue, dat wy vnn̄d vnſe eruen dat Slot Stauenow mit ſinem ghebede, tobehoringe vnn̄d tolaghe mit allen dorpen vnn̄d huuen bezet vnn̄d vnbezet, nut vnn̄d ghulde, alſe dat Slot vnn̄d de dorpe alle an eren ſcheden begrepen ſint, den hochgebornen furſten vnſen gnedigen heren, hern Albrechte koninge der Sweden vnn̄d der goten vnn̄d hern Johanne, hertogen magnus ſone, hertogen to mekelenborch, greuen to zwerin, to Stargarde vnn̄d Rozſtok herrn, eren ſones hertogen Albrechte vnn̄d hertogen magnus vnn̄d eren rechten eruen brukliken antwerdet hebben vnn̄d antwerden an deſſem breue to enen rechten erffilote, to ewigen tiden bi der herſcop to bliuende, vnde dat fulue ſlot mit alle ſiner tolaghe hebben de vorbenomten heren vnn̄d ere eruen vns vnn̄d vnſen eruen vort wedder antwardet vnn̄d zettet to enem pande vor fos duſent mark lubefcher pennige. Vnn̄d wanner de vorbenomte heren vnn̄d ere eruen de fos duſent mark na vtwiſinge erer breue, de wy van en darvp hebben, vns vnn̄d vnſen eruen bereden, ſo ſcole wy vnn̄d vnſe eruen ſunder alle hulperede vnn̄d vortoch den vorbenomten heren vnn̄d eren eruen ere vorbenomte erff Slot Stauenow mit alle ſiner vorſcreuen tolage vnn̄d ſunder vpfach vnn̄d rekenſcop brukliken wedder antwerden. Vnn̄d wes wy vnn̄d vnſe eruen na der vorbenomten heren vnn̄d erer eruen rade vorbuwen an dem vorbenomten ſlote dat ſcolen ſe vns mit den vorbenomten fos duſent marken wedder gheuen. Ok ſcole wy vnn̄d vnſe eruen vnn̄d willen van deſſem vorbenomten ſlote der vorbenomten heren vnn̄d erer eruen frede holden alle dewyle id vnſe vnn̄d vnſer eruen pand is. Ok ſchal dit fulue ſlot ſtauenow der vorbenomten heren vnn̄d erer eruen opene ſlot weſen to allen eren nuden vnn̄d noden, wan ſe dat eſehen, wo vakenn en des behuf vnn̄d nod is, alle de wile id vnſe pand is. Alle deſſe vorſcreuen ſtücke vnn̄d artikele vnn̄d enen yeſliken byfunderen loue wy vorbenomte Johan, luder, wypert, brodere heten lutzouwen, hans vanne krugē vnn̄d Clawes qwitzaw, zwarte tydekens ſone, vor vns vnn̄d vnſer aller eruen an guden truwen mit ener ſameden hand, vnſen vorbenomten gnedigen heren koning Albrechte vnn̄d hertogen Johanne, eren ſones hertogen Albrechte vnn̄d hertogen magnus vnn̄d erer aller eruen, ſtede vnn̄d vaſt to holdende ſunder yenigerleye hulperede vnn̄d gantzliken ane alle liſt. Vnn̄d to hoger bewaringe vnn̄d merer bekantniſſe hebbe wy vorbenomte Johan, luder vnn̄d wypert, heten lutzowen brodere, hans van dem krugē vnn̄d Clawes qwitzow vnſer aller Ingeſeghele williken mit willen hengen laten an deſſen breff, de gheuen vnn̄d ſcreuen is to der Nyenſtad na godes bord veerteyn hundert jar an dem veften jare, dar na des Mandaghes vor ſunte Fabianus vnn̄d ſebastianus daghe der hilgen Merteler.

Nach der „beurkundeten Ausführung“.